



Bájkkeavijssa NuorttaSálto

Sáme mannoæládus ávdeduvvá



Pressemelding, Sven Roald Nystø,
styreleder Reiseliv i Hamsuns Rike

Fra SAMISK UKE i Nord-Salten

Hamsun Guovlo Manno-æládus (HGM) ja Árran julev-sáme guovdásj bivdiji berustiddijit sámme mannoæládus tjáhkanibmáj dijstagá gálgádismáno 4.b. Ájluovtan. Ulmme æjvvalimijn le ságastallagoahtet prosjevtav mij lulu sámme mánnoæládus buktagijt dán guovlon ávdánahttegoahtet. Juoga mij rávkká sámme vuojnuji, gávnnu miella barggovidjurijt láhtjet ja barggat duodden gierddisvuodajn.

Vuonan le sámme mannoæládusá ávdánibme asski álggodásen. Sámme mannoæládus le vuorodum Hamsun Guovlo Mannoæládusá bieles. Ietján

le Hamsun, kulturmuhto, luonndo-vásádusá ja nasjonalpárka. Binna le sámme mannoæládusá hárráj dagádum. – Dávva sihtap njuolggit aktan Árran

julevsámme guovdátijn. Mijá ájggomus le ávdedit sierra prosjevtav mij lulu máttijt jagijt bissot jus rudálasj viehkijt gávnnap. Ietjá hásstalus le diedon ulmutijt gávnnat gudi sihti sámme mannoæládusájn barggat. Gájbeduvvá de soabmásijn le ájálvisá majt máhtá fálláldahkan ávdedit majt nágin oasstá. Diedo bájkkeavijssa samevuodas le ájnnasa dákkár dilijn, javllá HGMa stivrrájadediddje Sven-Roald Nystø.

Le dárbbu ahte Árran sæbrá barggij gá siján le sámme kulturmuhtudak. Guovdátja barggo le diedoijt ávdedit. Nuppe bieles ulmutja aj báhti Árranav gehtjatjit ja Árranin vierddi de juoga majt vuosádalli. Dát bielle vierddi Árranin ávdáláj guovluj buoreduvvat. Dájna sjaddá Árran prosjevtan barggat. Dan buohta li aj fállam prosjektajádedim ávdásvasstádusáv guoddet. Dán guovlon e hájn gávnnu sámme mannoæládusá viddnudagá ma nahki prosjektajádedim ávdásvasstádusáv guoddet. Dasi Árranin le juo divna dárbo sajenisá.

Mangemus jagijt li sámme viddnudagá Divtasvudnaj ásadam. Mij mannoæládusá guosská akta dajs oahpes turistajt ja nubbe biebmaj guossot dajt. Enamus oasse sámme mannoæládus viddnudájs li guovlojn gánna sámme li ieneplágon. Binná le dajs duobddájijn gánna sámme li unneplágon. Enas oasse dajs li berajvidnudagá. Svierigin li ienep sámme mannoæládus viddnudagá. Danna li tjavggasappot ja árabut bargga-goahtám sámme viddnudak ávdánimijn. – Dan diehti le juo vidjura sajenisá aktisattjat rájá rastá Svieriga bælláj bargga-



Sven Roald Nystø er styreleder i Reiseliv i Hamsuns Rike, her sammen med daglig leder Bente Ness.

goahtet. Nordlándá fylkkasuohkana ja Origo Nord viddnudagá ávdástiddje guossidin Divtasvuonav ja Hábmerv árabut dán tjavtja sámme mannoæládus berustiddijit kártitijt. Origo Nord le Sámedikke ja Finnmarko, Nordlándá ja Rámsá fylkkasuohkanij bieles bákkidum stuoráp sámme mannoæládusprosjevtav jagijda 2011-2013 ávdeditjat. Dæddo biejaduvvá márkanvuodo buvtadibmaj, vuobdemij ja márkanfievrridibmaj ja gælbboáptimij. Dási libá sige Árran ja Hamsun Guovlo Mannoæládus sæbram. Hamsun Guovlo Mannoæládus le dáj mangemus jagijt rievddadamprosessav tjadadam. Sábadam le guovte jahkáj aktisasj barggo sjehtadusáv Divtasvuona, Hábmerv, Oarje-Fuolda ja Stájgo suohkanij. Sjehtadusá baktu le Hamsun Guovlo Mannoæládusán rudálatjat vuodo binnátijt milta barggat. Dárbbu le duodde rudájda jus lulu sámme mánnoæladusprosjehta tjadaduvvat.



Fra markedet i Jokkmokk 2011. Markedet ble besøkt av over 40000 besøkende. FOTO: SANDRA NYSTØ RÅHKA